

Nwa' wvù Baul to san̄εε ê Taytus

Fiεε fi nu ê Nwa' Taytus wvun e

Nwa' wvun to san̄ Baul fô cuwee mvu le ε bó teje le Taytus. Taytus to nu wee ketum kemew kè yaa nu ke ke Bojuu le, ε wvú to cinε nce won̄ wvubole ban̄ke no nu wee mbee wvu Klistu. Wvú to lemte bô Baul, nu wee wvù fici wvú yî lemme diew di diεw Nyo' le. Baul to san̄ nwa' wvun fô cuwee wvun e ε wvú nu won̄ wvù Klet e. Wvú to nu jó ε Baul ε cinε wvú le le wvú eshεε eficì jó taale no lemme di kentaashε ke bonyii bo mbee le gene.

Baul nu ε tamcε Taytus ekumε ken̄ge kè bonyii bô nu bikuu bi kentaashε ke bonyii bo mbee le ken̄ke keekεn̄ke. Wvú to jemyi ê wvú no wvú to yene ε bonyii bo Klet nteen ken̄ke ken̄ge ε è nu kè befe. Fiεε fi bii fó nu ε wvú teete Taytus no è nulo é wvú eyεεyî bonyii jεεy jεεy ê kentaashε ke bonyii bo mbee le.

Bikuu bi mwεεm e ê Nwa' wvun e

1:1-4 Ken̄kεwce

1:5-16 Ekumε Bikuu bi kentaashε ke bonyii bo mbee le

2:1-15 Ekumε gee di bonyii jεεy jεεy eken̄kè ente jo kentaashε ke bonyii bo mbee le

3:1-11 ε Baul tefe Taytus

3:12-15 Kemεse

¹ ε nu me wvù Baul, ε me nu waa lemme Nyo' noo waa ntum Jisos Klistu. Lemme diem nu

keηgee ε mbee bonyii bò Nyo' nu ε caw gene fwe, bô le bó ekeè fiεε fi kecεεy fi bii nce wvù è nu wvù Nyo' gomte le,² emum etaalè fwe yî nshii wvù mεy lo wvù Nyo' wvù nulo saa mbiay mbiay to kawεε ε woη se ke κew e. ³ Kefew ke λη to nu ε dioo kocεn, ε wvù mum duηce diεw ye endan fele yî diεw ye yì me nfewci le, ε è to nya Nyo' wvù Mboyse wesebeene mvuηgay mvudvu ê me le me enfewci.

⁴ Me nsaanke ηwa' wvun fô wo le Taytus. Wo nu waa wεm wvu kecεεy yî mbee wvù è nu wesebeene bocii le. Nyo' Ice bô Klistu Jisos wvù Mboyse wesebeene ebuw wo, enya wo bô nyεkeey.

Lemme di Taytus to shεεεε Klet keege

⁵ Shiee wvù me nto ncin'yεε wo le Klet to nu le wo eshεε enele mwεεm mvù nu ε lemlεm, ebvuu egεε bocee bintaashε bi bonyii bo mbee le bilaante le bicii ê je yì me nto nduηceε ê wo le. ⁶ Wee keenu cee kentaashε nu ε wvù keηke keenu wee wvù yaa keηke ke fiεε fi bó ebaci wvù yî dvù le ke. Wvù keηke keenu dwee kpwoon mwaan, ε boom bew nu bonyii bo mbee le, ε è yaa nu bò bonyii ye ne le bó ghanhane lo kenεε temyi bikuu ke. ⁷ No cee ekole ke kentaashε le nu wee lemme Nyo', tu ke wvù keηke kekeηke fiεε fi bó ebaci wvù yî dvù le ke. Ke wvù keηke keeduηci ye kenεε keηke shém yì ton'yεεn kenεε nu wvù wuu mbvuum ε mó koole ke. Ke wvù keηke keenu wvù wamene bonyii kenεε wvù kuηke ke ε è nu sew ke. ⁸ Wvù keηke keenu wvù fiisene bonyii bo ghane le, kooηke fiεε fi è nu fi

1:2 1Bi 1:3-5; Gal 3:6, 17-18 **1:3** 3:4; 1Tim 2:6 **1:4** 2Kol 2:13;
1Tim 1:2 **1:5** Lem 14:23 **1:6** 1Tim 3:2-7; 1Bi 5:1-4

jee, gee mwεεm bô bvufee, κηηke nce wvu teytey, κηηke nce wvù yuule, kee keejicε ye ye le. ⁹ Wvù κηηke keenu wvù jici n'yεεyi wvù è nu wvu ληη wvù bó yεεyi wvù dvù ntay, wvu λε wvù enyaa ntefe ê bonyii bii ε è nu n'yεεyi wvù è nu wvu ληη e, ebvuu etooshi ten bonyii bô kicine n'yεεyi wvudvu.

Bó ecilè n'yεεyi bonyii bo mbiay e

¹⁰ Me njemyi nen njefo bonyii nu dvù nteen bô temyi bikuu, bô jemyi díεw yi εcici, λεεle bonyii, efey mvunciim ηgoo bonyii ba bô leeme κε λε bó κηηke keetfuuse bonyii yew. ¹¹ Boban nu bonyii bô bó eban lo dew yibo, njefo bó ghane bvunse yéw bonyii yicii no bó yεεyi mwεεm mvù bó yaa κηηke keeyεεyi κε. Ε bó gee nonen ε è nu nje bigew bi εcici bì bó kuηke. ¹² Bonyii ban nu ε wee wvubo mvu kebεε wvù bó duu λε è nu wee ntum Nyo' wvubo to jeme wase εκumε bó gayte λε, “Bonyii bo Klet ké no nu bonyii bo mbiay e sekecii. Bó nu lo nyám yi ηkpwaante yi befe, nu biwelencoy bì wuwte κε ε è nu mwεεm mvudien.” ¹³ Njeme wvudvu wvun εκumε bó nu lo keceεy. Nonen è looci tooshi lo bó dew yibole, wvu λε bó eκηηke mbee ε è nu wvu ληη, ¹⁴ efey fo bó enya bikuu bibole eyuuke ε è nu mvumanḡaan mvu Bojuu le, κενεε mwεεm mvù bonyii bô nu ε tun mwεεm mvu keceεy mvù Nyo' gayte λε bonyii ebii dvù le. ¹⁵ Bonyii dioo κηηke mvuntelem mvù yuule, ε mwεεm mvunciim no yuule fô bó le. Geenεn, bó dioo κηηke mvuntelem mvù yiile se bó κηηke mbee, fiεε saa enu dvù fi

1:9 2:1; 1Tim 1:10 **1:10** 3:9-11; 1Tim 1:3-7 **1:10** 1Tim 1:6
1:11 1Tim 6:5; 2Tim 3:6 **1:13** 2Tim 4:2 **1:14** 3:9; 1Tim 1:14
1:15 1Tim 1:5; Mat 15:11; Lum 14:14, 20

yuule fô bó le ke, njefo bonkpawawce bobole bô je yi mvuntelem mvubole nu jó, nu ε befe wase. ¹⁶ Boba bonyii duu le bó kee Nyo', geenεn ε gee dibole kaa dunji le bó nu ε ma lo Nyo'. Nce wvubo nyene baay, ε bó temyi bikuu. Ke bó nu bonyii bò nulo ege naa lo fiεε fi jee ke.

2

Bon'yεεyi ekumε kenje kè jee

¹ Fô wo le Taytus, fiuw nu ε wo kenke keeyεεyi bonyii ε è nu bô mwεεm mvù cemsene ê n'yεεyi wvu len e. ² E teetè bolemse bò nu wase ngaybonyii le bó ejici ye yibole yî fiεε le ficii, kenkè n'wvum fô bikuu bibole, geè mwεεm diεwε bonyii bò kenke bvufee le, kenkè mbee ε è nu wvu len, kenkè kenkonεn ε è nu ke len, kuulè shém yî bonjεw e bocii.

³ E teetè ten bokεnε bò nu wase ngaybonyii le bó ekεnkè kenje ε è nu kè dunji n'wvum fô Nyo' le. Fo bó ekunsenè mvunjkunsen ke. Fo bó enù bonfaw bo mbvuum e ke. Bó eyεεyi bonyii ε è nu bô mwεεm mvù jee.

⁴ Nonεn, é bó emum eteete ngon bokεnε no è nulo é bó ekoonke bole' bobole noo boom bobole, ⁵ bvuu geè mwεεm diεwε bonyii bò kenke bvufee le, ceè nce wvù yuule, tawtenè yéw yibole, kenkè mvuntelem mvù jee fô bonyii le, yuukè bole' bobole. Nonεn, wee saa ebvuu enu dvú wvù nulo ejeme diεw yi befe ekumε diεw Nyo' ke.

⁶ E nu ke lenlen no wo nu ejemyi ê cubonyii le bó

1:16 2Tim 3:5; 1Jon 2:4 **2:1** Efe 5:21–6:9 **2:1** 1Tim 1:10 **2:2**
 1Kol 13:13 **2:3** 1Tim 3:11; 1Bi 3:1-5 **2:5** Efe 5:22-24 **2:6**
 1Jon 2:14

kenke keegeè mwεem diεwε bonyii bò kenke bvufee le. ⁷ E dunçi kenke kè jee yî fiεε ficii fî wo gee le, wvu le bonyii eyenè bejene. Seke wo yeεyi bonyii bô fiεε, ε wo lese fitele fiuw ficii yî dvú le, no yeεyi bô shiee, ⁸ ε njeme wo nu wvu leη wvù è nulo wee saa ekεηke fiεε fî befe keejeme εnte jodvu κε. Nonεn, é bonyii bò kicine beene ewuumen njefo κε bó kenke fiεε fî befe keejeme εkumε beene κε.

⁹ E teetè bonfaw le bó enya bikuu bibole é bonyii bò kenke bó, egeè fiεε ficii no bó gomte le bó egeè. Fo bó etfuusè fiεε dew yibole κε. ¹⁰ Fo bó esoηkè mwεem mvubole κε. Bó kenke keedunçi lo é jé le yicii le bó nu bonyii bo kecεεy e. E bó gee nonεn yî fiεε ficii le, é bonyii emum eyene n'yeεyi wvu εkumε Nyo' wvù Mboyse wesebeene le, le è nu fiεε ε fî kenke njon.

¹¹ E yeεyi bó nonεn, njefo mbuwma Nyo' kee-boyse bonyii nu ε to wase wvu le è nεlo é bonyii bocii ke eboy. ¹² Mbuwma wvun yeεyi beene le beene ecine nce wvù yaa nu κε wvù Nyo' gomte le, bô le fo beene ekεηke shiee wvu baay yî mwεem mvu yî nshε le κε. Le beene eceè bô bvufee bvuseεbeene fó bvucii, ceè nce wvu teytey noo nce wvù Nyo' gomte yî wonη wvun e. ¹³ Beene eceè nonεn, cεyte bvujonke bvù beene taale fwe yî dvú le bvù nu ke ebuynεn, bvù è nu bvukuke bvu Nyo' wesebeene wvu baay wvù è nu Mboyse wvù Jisos Klistu le. ¹⁴ Wvú to nu ε nya εkolε kew nje yese beene keesum beene yî bibefe le bicii, keege

2:7 1Tim 4:12; Fili 3:17 **2:8** 1Bi 2:15 **2:9** 1Tim 6:1-2 **2:10** 3:4 **2:12** Efe 1:4; 1Jon 2:16 **2:13** 1Kol 1:7; 1Tes 1:10 **2:14** 3:14; Ksm 19:5; Esek 11:20; Gal 1:4; Efe 2:10; 1Tim 2:6; Ibu 13:12; 1Bi 2:9; 1Jon 3:16

é beene eyuule, nu bonyii bew bò keŋke shiee wvu baay keegee gee di jee.

¹⁵ Mvun nu mwεem mvù wo keŋke keeyεyi bonyii dvú. ε teetè bó, duŋci bojay bobole bô mvuŋgay mvunciim mvù wo keŋke. Fo wo ebee é wee ejin wo ke.

3

No è nulo é gee di bonyii bo mbee le enù

¹ ε tamci bonyii bo mbee le ε bó eyuukè bonyii bò saake won bô bò keŋke mvuŋgay é bó we le. Bó egeè fiεε fi bó gayte, enù ε bó ε seyse keegee fiεε ficii fi è nu fi leŋ. ² Fo bó ejemyi fiεε fi befε εkumε wee ke. Fo bó ewaalè diwaa ke. Bó enù wεε, joo bikuu bibole fokuse fwe dvu bonyii bocii. ³ ε kumyi le beene ten to shee gee keyuŋ, temyi bikuu, jayte je. Beene to nu bonfaw bo mwεem e jεy jεy mvù ye yesebeene to koonke, bvuu diee bikuu bisεbeene. Beene to cee nce wesebeene keŋke ke ε è nu mvuntelem mvù befε bô kendon ke benεen, ε bonyii bane beene ε beene bane ten bonyii.

⁴ Geenεn, ε Nyo' wvù Mboyse wesebeene ke dioo duŋce fitele fiew fi jee bô keŋkonεn kew fô beene le, ⁵ mum boyse beene. Ke wvù to boyse beene nje fiεε fimew fi leŋ fi beene to geε ke. Wvù to boyse nje shen ye fele yî ncukε wvù wvù to cukεε beene ε beene keŋke mboo wvu fwε le, ε Keyoy ke Yuule kumεn beene ε beene no nu bonyii bo bofε keŋke

3:1 Lum 13:1-7; 1Bi 1:13-17 **3:3** 1Kol 6:11; Εfe 5:8 **3:4** 1:3; 2:10-11; 1Tim 1:1; 2:3; 4:10; Tay 3:6 **3:5** Jon 3:5; Lum 6:4; Εfe 2:8-9; 5:26; 2Tim 1:9; 1Bi 1:3

nshii wvu fwε. ⁶ Keyoy ke Yuule kin nu ε wvú to looce tfuw lo yî yese beene le fele yî Jisos Klistu wvù Mboyse wesebeene le. ⁷ Wvú to ge nonεn wvu ε wen ebuw lo beene, ejo beene le beene nu se jay, emum enu bondiela bew taale fwe keeke ekenke nshii wvù mεy lo. ⁸ Njeme wvù me njeme wvun nu naa lo keceey.

Me nshieele naa le wo ejemyi ciise lo mwεem mvun ê bonyii, wvu le bonyii bô nu ε bee Nyo' le eyen le bó enya bikuu bibole keegee gee di jee. Mvun nu naa mwεem mvù jee baay, ε mvú too bô sew fô bonyii le bocii. ⁹ Geenεn, è wemtè bombew bo keyun e, bô ediee ε bo'icee dikfuu yò bonyii ke she taanke. E wemtè ten mvunkeicεn bô diwaa di ekumε bonci bo Bojuu le. Ke mvumvun mwεem kenke naa lo sew ke. E nu mwεem mvu εcici. ¹⁰ E wee nu dvú wvù too bô kenɣawsen, é wo jeme ê wvú. E wo jeme ê wvú kan mwaan ε buy bokan bofεε se wvú lu, é wo cinε je ye le. ¹¹ E keè le wvuwe wee nu ε wvú ε cinε wase je yi len e ε no bvuyte lo, ε nce we nu wvu kebefε, ε wvú ε lese wase ekole kew ηɣew e.

Njeme bô bonɣayma bo fokemεse

¹² Me nu ηke enciinse Ateamas kenεε Tikikus fô wo le. Wvú ke dioo ε to, ε wo mom naa ntay keeto fô me le Nikobolis. E nu jó jò me nu ε nseyse le me nu ηke enu yî kefew ke nffum wvù temyi le. ¹³ Momε naa ntay keeficε Senas wvù

3:6 Lum 8:9-16; 1Kol 6:11; Gal 5:25; 2:13; Fili 3:20; 2Tim 1:10; Tay 3:4; 2Bi 1:11; 1Jon 4:14 **3:7** Lum 3:24 **3:9** 1:10-16 **3:9** 1:14; 1Tim 1:4 **3:10** Mat 18:15-17 **3:12** Kolo 4:7-8 **3:13** 1Kol 1:12

wee wvù looci kee bonci, bô Abolos yî læne dibole.
Mome eyen læ bó nu ε κηκε fiεε ficii fî bó shieele.

¹⁴ Bonyii bosεεbeene ten κηκε keeyεyi keenya
bikuu bibole keege dilemme di jee, wvu læ è nulo
é bó efici yî mwεεm mvù nu shiee læ læ bó efice læ.
Fo bó enù κε lo εcici κε.

¹⁵ Bonyii bocii bò nu fen bee bó ciinse ηgayma ê
wo. Gayε bonyii bo mbee læ bocii bò kooηke beene.
Nyo' ebuw ben bocii.

**Nwa' Nyo' Monkan mo Monfem
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
5b12a3f8-7a2a-5b6f-b1da-1bf94b13fc2e